

63

in vnser Statt zu gebotte gelegen/ in der Geistlichen hende nicht kämen/ So vernemen wir/ das mannicherley newe auffstende vnd betrug darinne geschehen sein/ vnnnd noch täglich geschehen/ in dem das esliche Leuthe ihre Erbe vnd Erbrente Geistlichen Kirchen/ Klösteren/ vnnnd Geistlichen Personen besazt/ oder eine Summa Gelds auff ihre Erbe beweist haben/ damit vil Erbe in vnser Statt Schrein gehörende/ auch das Brieffgut ist gewest/ auß vnser Statt Schrein kommen/vnnnd also vortan vnder Geistlichen Henden behalten worden seind/ vnd zubesorgen ist/ das vnser Statt dardurch die lenge sehr verwust/vnnnd vnser Statt dienst/den sie dauon zu ihren nöthen zuhaben pflegen/ abgezogen werden möchte/ ob das in zeiten nicht verhüttet würde.

Darumb so haben wir vertragen vnd gesakt/ ob es sach were/ das jemand es sey Mann oder Weib einig Gede oder Gut/ oder seine Erbe/ einigen Geistlichen personen geben/ oder besetzen wolte/ das man alsdann solche Erbe binnen Jahr vnnnd Tag in Weltliche hende verkauffen soll/ auff das wir vnnnd vnser Statt den dienst/ denn man vnser Statt dauon thun solte/ nicht verlieren/vnnnd so wo das nicht geschehe/ So soll die Giffte oder besetzung keine macht haben.

Vnd so esliche derglichen sachen die gegen vnser vorsehren Morgensprachen von Erb vnnnd Erbzele in Geistliche hende zulassen wider vnser alte gesez geschehen sein/ das soll man auch noch binnen Jahr vnnnd Tag/ in Weltliche Hende außgahn vnd verkauffen/ vnd so wer das also nicht thete/ soll die Giffte vnd Besetzung alsfern die Erb vnnnd Erbzele antreffende ist/ todt vnd machtlos sein.

J Straff